

OCTOBER 2016

**UWEVWIN ORHERERE**
RO GHWOGHWO UVIE RI JHOVA

November 28–December 4

**E Jẹn Erhorha Egho Choro
Owan Ero-o”**

ARUQBE 3

December 5-11

**Sero re Omakpokpo re
Ewen, Wo da Ga Vwe
Ekuoto Ofa**

ARUQBE 18

O re Ibieta Royen Rhoro

EBERE 1

IYOVWINRETA RE CHE YONO

- **E Jẹn Erhorha Egho Choro
Ovwan Ero-o”**
- **Sero re Omakpokpo re Ewen, Wo
da Ga Vwe Ekuoto Ofa**

Vwe ikpe evo rhire na, ihwo re ekuoto sansan yehe evunre ikoko buebun. Uyovwinrota resosuo na cha chon avwanre uko vwo rien obo re dje uvi re odavwe vwo ke ihwo re ekuoto efa re rhe ukoko avwanre. Uyovwinrota rive na che djekpahlen obore ihwo re ga vwe ekuoto ofa sa vwo sero re edia re ewen rayen.

A she obe nana-a.
Oyen ebere-ovo re
owian re uyono ri
Baibol re akpoje, re
ruẹ womare itetoro ro
wonhwo.

Wo da guonọ ru
itetoro, biko kpo
www.jw.org/urh.

Jokpane ke djerephia, asan ri ne Baibol
rhe eje ra vwoba tota, *Baibol Ofunfon Na*
oyen i nurhe, ekevuovo, e si ibieta na nene
obo re sie eta re Urhobo asaakiephana.
Wo da rha mre *NW*, gba rien ne *New World*
Translation of the Holy Scriptures, 2013
Edition, oyen o nurhe.

The Watchtower (ISSN 0043-1087) Issue 15 October 2016 is published monthly with an additional issue published in January, March, May, July, September, and November by Watchtower Bible and Tract Society of New York, Inc.; L. Weaver, Jr., President; G. F. Simonis, Secretary-Treasurer; 1000 Red Mills Road, Walkkill, NY 12589-3299, and by Watch Tower Society of Jehovah's Witnesses Ltd/Gte, P.M.B. 1090, Benin City 300001, Edo State. Periodicals Postage Paid at Brooklyn, NY, and at additional mailing offices. POSTMASTER: Send address changes to Watchtower, 1000 Red Mills Road, Walkkill, NY 12589-3299. © 2016 Watch Tower Bible and Tract Society of Pennsylvania. Printed in Nigeria.

“E Jẹn Erhorha Egho Choro Ovwan Ero-o”

*“E jẹn erhorha egho choro ovwan
ero-o.”—HIB. 13:2.*

UNE: 124, 79

DIE YEN EKPAHONPHIYO WEN?

Diesoro e vwo wene ero re vwo ne erhorha?

Mavo yen Boaz vwo vwe ero re Jihova vwo ne erhorha vwo ni Rutu?

Idjerhe vo yen avwanre se vwo dje uruemu esiri vwo ke erhorha?

O VRE egbukpe 30 re, Osei,[1] ro je dia Oseri re Jihova vwe oke yena-a, vwo ne Ghana kpo Europe. O da ta: “Me da rhe mrevghe ne ihwo buebun tobo davwenrho

1, 2. (a) Egbabose vo yen erhorha buebun hirharokue nonena? (Ni uhoho resosuo vwe Uwevwin Orherere ocheko na.) (b) Ekarophiyọ vo yen oyinkon Pol vwophia, ke eno vo yen onana ghwa rhe?

mẹ-ẹ. Aruọke na ji shephiyo oma mẹ-ẹ. Ekpahlen ro mu vwe ọke mi vwo vren nẹ asan re de wonto nẹ aropleni ganre mamọ, ke me vie.” Osei rien ejaje re ihwo na-a, otioyena o vre egbukpe ovo o ki se vwo omamọ iruo. O vwo diane orua royen sheri ke na, ko rhe dia edia re oruvwohwo, urhuru ro vwo kpo ko sio.

2 Vwe ero roro obo wo guonore nẹ e ru ke we o da diane we yehe edia tiyena. Oma cha vwerhen owe siere a da nabo dede uwe vwe Oguan Ruvie dede nẹ ekuoto yere ohoroma wen fere? Vwore uyota, Baibol na vwe Inenikristi nẹ “e jen erhorha egho” choro ayen ero-o. (Hib. 13:2) E je a feren eno nana: Ero vo yen Jihova vwo nẹ erhorha? Diesoro e vwo wene ero avwanre

vwo nẹ erhorha? Ukecha vọ yen a sa vwo ke ihwo re ekuoto efa ayen sa vwo rien ne e rhiabodede ayen vwe ukoko na?

ERO RE JIHOVA VWO NE ERHORHA

3 Jihova vwo sivwin ihwo royen ne oto re Ijpt nu, o da ke ayen irhi ri shekpahen uruemu esiri re ayen ru vwo ke erhorha buebun rehe ohri rayen. (Eyan. 12:38, 49; 22:21) Oke buebun erhorha tiyena ivwiogbere, otioyena, Jihova de vwo omamo orhuerephiyoto vwo ke ayen. Orhuerephiyoto ovo tiyen yen uphen re ayen vwo gbugbon.—Liv. 19:9, 10.

4 Ukpere Jihova vwo gba emo re Izrel ne ayen muogho ke erhorha, o da ta ota

3, 4. Kirobo re Eyanno 23:9 tare, ero vọ yen ihwo re Izrel na vwo ni erhorha, ke diesoro?

ro te ayen ẹwen, rọ sa nerhe ayen vwo erokere. (Se Eyanno 23:9.) Ayen riẹn ‘obo rọ hepha ra vwo dia orhorha.’ Tavwen ayen ke tobọ dia evien, ihwo re Ijpt na vwo utuoma kpahen ayen fikire asan re ayen nurhe ve ẹga rayen. (Jen. 43:32; 46:34; Eyan. 1:11-14) Ihwo re Izrel na rhiromre oja rọ herọ ra vwo dia orhorha, ẹkẹvuvovo, Jihova guonore ne ayen ni orhorha rohe ohri rayen kere “omoto.”—Liv. 19:33, 34.

5 Avwanre ji vwo imuero na ne Jihova ji vwo odavwe re ihwo ri ne ekuoto efa rhe rehe ukoko avwanre nonena. (Urhi 10:17-19; Mal. 3:5, 6) E de roro kpahen egbabose ayen rhiromre, kere utuoma

5. Die yen cha chon avwanre uko vwo werokere ero re Jihova vwo ne erhorha?

yere ejaje orhorha, o cha nerhe avwanre guono idjerhe re se vwo dje uruemu esiri ve eroro ke ayen.—1 Pita 3:8.

OFORI NE E WENE ERO RE AVWANRE VWO NE ERHORHA?

6 Inenikristi re egbukpe ujin esoso davwengba vwo ghwie utuoma rohe uvwe re ihwo re Ju ne ewen rayen. Vwe Pentikost re ukpe 33, iniovo re dia Jerusalem de dje uruemu esiri ke Inenikristi kpokpo ri ne ekuoto efa rhe. (Iruo 2:5, 44-47) Eguono re Inenikristi re dia Ju dje vwo ke iniovo rayen ri ne asan efa rhe na, djerephia ne ayen ghene rien oto re ota na “erhorha eho,” ro dia ‘uruemu esiri re dje ke erhorha.’

6, 7. Die yen djerephia ne Inenikristi re egbukpe ujin esoso ghwie utuoma ne ewen rayen?

7 Ukoko re ọke yena vwo rhuaphiyo na, uruemu re omaefene da rhe vwomaphia. Ihwo re Ju re je Grik de brenu ne e chukoku eyauku rayen. (Iruo 6:1) A sa vwo rhuere edia na phiyo, iyinkon na da sane eshare ighwren rere ayen vwerote edia nana. Ede re Grik yen eshare nana vwori, ro djerephia ne iyinkon na guono si ewen re omaefene na ne ubiudu re Inenikristi re ọke yena.—Iruo 6:2-6.

8 O vwe obo ro ru wa-an, asan re nurhe djobote ohwo. (Rom 12:2) Vwoba, ihwo re dia kere avwanre, e re nene wiowian, yere e rehe isikuru avwanre ta eta ebrabra kpahen ihwo re ekuoto yere ejaje efa.

8, 9. (a) Die yen se djephia ne avwanre vwo ewen re utuoma yere omaefene? (b) Die yen ofori ne avwanre ghwie ne ubiudu avwanre? (1 Pita 1:22)

Mavo yen oka re eta tiyena djobote avwanre wan? Die yen avwanre rue siere ohwo da vwe orere yere ekuruemu avwanre vwo jehwe?

9 O ji vwo oke ovo re oyinkon Pita vwo vwo utuoma kpahen ihwo re dia ihwo re Ju-u, je, ememerha na o de si utuoma na ne ewen royen. (Iruo 10:28, 34, 35; Gal. 2:11-14) Idjerhe vuovo na, avwanre de noso ne ewen re utuoma yere omaefene rhe avwanre, e je a davwengba vwo ghwie ne ubiudu avwanre. (Se 1 Pita 1:22.) Avwanre se roro kpahen edia nana; otoro asan re nurhe-e, avwanre eje gbare-e otiyena, o vwo ohwo vuovo ro muwan ke usivwi-in. (Rom 3:9, 10, 21-24) Ke diesoro e vwo no ne avwanre yovwin no

ihwo efa? (1 Kọr. 4:7) E je avwanre vwo ẹro re ọyinkon Pol ọke ro vwo vwe ihwo ra jereyo na ne ayen “gbe he erhorha kugbe ihwo re kua rhe-e, ekevuovo . . . ihwo re evwruvwewwi re Oghene.” (Efe. 2:19) Egbaedavwon re vwo si utuoma re vwo kpahen ihwo re ekuoto ofa ne ewen cha chon avwanre uko vwo ku ohwo okpokpo na phiyo.—Kọl. 3:10, 11.

OBO RE SE VWO DJE URUEMU ESIRI KE ERHORHA

10 Boaz vwe ẹro re Jihova vwo ne erhorrha vwo ni Rutu ro dia ohwo re Moab. Oke ro rhi vwo ni udju royen vwe ọke orho, Boaz de vwo oniso re aye ovo ro dia

10, 11. Idjerhe vo yen Boaz vwo vwe ẹro re Jihova vwo ne erhorrha vwo ni Rutu ro dia ohwo re Moab?

orhorha ro je dia ogbowian, oke ro vwo gbugbon nene ewiowian na. Boaz vwo nyo ne aye na yare uphen tavwen o ki gbugbon dede ne o vwo uturhi na, Boaz da vwe uphen ke ne o tobo yoro evo vwo ne ekrun re eka na.—Se Rutu 2:5-7, 15, 16.

11 Otaetakuembe ro vwo kpahon djerephia ne Boaz vwo odavwe re Rutu fikire edia re orhorha ro hepaha. O da nerhe o vwe ne o sikere emete na rere eshare na vwo je kpokpo. O nabo ke ame ve emu ki-robo ro vwo ke ewiowian royen na. Vwoba, Boaz phiuduphiyo awo ukpere o vwo vwe ero ri saka vwo no.—Rutu 2:8-10, 13, 14.

12 Eguono re Rutu vwo kpahen onironvwe royen na te Boaz ewen mamọ,

12. Idjerhe vo yen uruemu esiri re dje ke erhorha se vwo djobote ayen vwo ere erhuvwu?

otioyen ji te orhiẹn rẹ Rutu bruru rọ vwo dia odibo rẹ Jihova. Uruemu esiri rẹ Boaz na, oyen odjephia rẹ ẹguoṇo ro jẹ rherie rẹ Jihova vwo kpahen aye nana ro rhi ‘siomanu vwe otọ rẹ ibekpe rẹ Oghẹne rẹ Izrel na.’ (Rutu 2:12, 20; Ise 19:17) Nonena, uruemu esiri rẹ avwanre dje ke “ihwo na ejobi” sa chon ayen uko vwo mre uyota na vughe, je rien ne Jihova vwo ẹguoṇo rayen mamọ.—1 Tim. 2:3, 4.

13 E se dje uruemu esiri ke ihwo rẹ ẹkuoto efa re rhe Oguan Ruvie avwanre womare e vwo dede ayen sasasa. Avwanre se noso ne oma vua erhorha na otioyena,

13, 14. (a) Diesoro a vwo davwengba vwo yeren erhorha vwe Oguan Ruvie? (b) Mavo yen e se vwo phi ebenben re vwo nene ohwo rẹ orere ofa ta ota kparobo?

ayen rha vwomaba ihwo-o. Fikire asan re ayen nurhe yere edia re akpeyeren rayen, o sa diane ayen ne oma rayen ne ihwo re ekuoto efa yovwin vre ayen. Otioyena, e je avwanre jowo esosuo re vwo dede ayen ji dje eguono ke ayen. O da diane wo vwo aplikeshoni re *JW Language* vwe ejaje wen, o sa nerhe wo yono obore wo se vwo yeren ihwo nana vwe ejaje rayen. —Se Filipae 2:3, 4.

14 O sa ben ke we wo vwo yan bru ihwo re orere ofa ra re nene ayen ta ota. Wo se vwo phi edia yena kparobo, wo sa vwe ayen oronwon ovo kpahen oma wen. O se gbewunu ne wo ve ohwo na vwo iruemu evo kugbe, wo sa je mrevghe ne dorere dasan ro da vwiere ve asan ro de yovwin.

CHỌN IHWO EJE UKO VWO RIEN NE WỌ RHIABODEDE AYEN

15 Rere ewen re erhorha se vwo toto vwe ukoko na, nabo no oma wen, ‘O da diane me he orere ofa, die me cha guono ne ihwo ru ke vwe?’ (Mat. 7:12) Vwo odirin siere erhorha na de rue ewene na memerha. Esosuo, o sa diane avwanre ghwe vwo eruore re iroro rayen yere obore ayen ru emu wa-an. Ukpere a vwo rhero royen ne ayen che rhiaboreyo ekuruemu avwanre, o rhe fo ne e rhiaboreyo ayen kirobo re ayen hepha?—Se Rom 15:7.

16 E de yono kpahen ekuruemu ve asan

15. Die yen sa chon avwanre uko vwo dje eroroke vwo ke erhorha?

16, 17. (a) Owere sansan vo yen sa chon avwanre uko vwo sikere erhorha? (b) Ukecha vo yen avwanre sa vwo ke ihwo re ekutofo efa rehe ukoko avwanre?

re erhorha na nurhe, o cha nerhe oloho re vwo nene ayen yerin kugbe. A sa reyo oke re ega orua avwanre vwo ru ehiahię kpahen asan re erhorha rehe ukoko na yere ekogho na nurhe. Idjerhe ofa e se vwo sikere ayen yen e vwo durhie ayen rhe uwevwin avwanre vwo ke emuore. O vwo diane Jihova “rhie eche re esegbuyota na phiho ke ihwo ri keferi” na, o rhe fo ne avwanre ji rhie eche avwanre ke erhorrha rehe “evwruwevwi re esegbuyota na”? —Iruo 14:27; Gal. 6:10; Job 31:32.

17 E de nene orua ro kua ne ekuoto ofa rhe ghwooro oke kuębe, o cha nerhe e dje odavwaro kpahen eębaedavwon re ayen vwo rhiaboreyo ekuruemu avwanre. O sa nerhe avwanre mrevghe ne ayen guono

ukecha ayen se vwo yono ejaje na. Vwoba, e se ji nene ayen guono asan re ayen cha dia ve iruo re ayen che ru. Owaje nana se djobote akpeyeren re oniovo na.—Ise 3:27.

18 Dedena, ofori ne erhorha na je davwengba vwo wene nene ekuruemu re ekuoto kpokpo na. Rutu phi omamo udje phiyoto vwe edia nana. Esosuo, o muogho ke ekuruemu re asan kpokpo na, o vwo yare uphen tavwen o ki gbugbon. (Rutu 2:7) O niro ne oyen uturhi royen keresie a da mre ne ihwo na riosa roye-en. Orive, o dje odavwaro phia kpahen uruemu esiri re dje ke. (Rutu 2:13) Erhorha de ji vwo omamo uruemu tioyen, o je cha nerhe emoto ve iniovo na muogho ke ayen.

18. Omamo udje re ogho ve odavwaro vo yen erhorha sa vwerokere nonena?

19 Oma vwerhen avwanre ne Jihova vwe uphen ke ihwo re egborho ejobi ne ayen nyo iyenren esiri na fikire eserophe royen. O sa diane erhorha na se rhiaboreyo uyono re Baibol yere kuomakugbe ihwo re Jihova vwe ekuoto raye-en. Ekevuovo, o vwo diane ayen vwo uphen na asaokiephana, o rhe fo ne a chon ayen uko rere ayen vwo je erhorha edia vwe ohri avwanre? Ukecha re avwanre vwophia da tobo hanvwe dede, uruemu esiri re dje ke ayen djerephia ne Jihova vwo eguono rayen. Kere ihwo re “vwe ero kere Oghene,” e je a davwengba avwanre eje vwo dede erhorha rehe ohri avwanre.—Efe. 5:1, 2.

19. Diesoro e vwo dede erhorha rehe ohri avwanre?

ETA RE ODJEFIOTO:

[1] (ekorota 1) E wene ode na.

Sero re Omakpokpo re Ewen, Wo da Ga Vwe Ekuoto Ofa

“Mi phi ota wen phiho udu me.”

—UNE 119:11.

UNE: 142, 92

DIE YEN EKPAHONPHIYO WEN?

Die yen vwe ukecha ke Daniel ve ohwo ro si Une Re Ejiro 119 vwo sero re oyerinkugbe rayen ve Jihova?

Idjerhe vo yen ihwo re ga vwe ekuoto ofa sa vwo sero re oyerinkugbe rayen ve Jihova?

Siere orua da ga vwe ekuoto ofa, mavo yen emiovwon na se vwo yono emo rayen?

ISERI RE JIHOVA buebun nonena vwobo vwe orugba re aroemre re vwo ghwoghwo iyenren esiri na ke “kegbo-

1-3. (a) Vwe kediala eke, die yen avwanre phi phiyo ediala resosuo? (b) Egbabose vo yen ihwo ri yono ejaje kpokpo hirharoke, ke eno vo yen onana ghwa rhe? (Ni uhoho resosuo vwe Uwevwin Orherere ocheko na.)

rho kẹgborho kugbe orua korua kugbe epherẹ kepherẹ kugbe ohwo kohwo.” (Evwọ. 14:6) Wẹ ọvo usun rẹ ihwo ri yono ejajẹ ọfa? Wọ ga kere imishonare yere vwe asan ra da ma guṣo ukecha vwe ẹkuoto ọfa, yere wo kuomakugbe ukoko ro je ejajẹ rẹ ẹkuoto ọfa vwe ekogho wen?

2 Kere idibo rẹ Oghene, ofori ne avwanre eje phi omakpokpo rẹ ewen avwanre ve o rẹ orua avwanre phiyo edia esosu. (Mat. 5:3) Dedena, fikere ewian buebun, o sa ben okiovo re vwo ru uvi rẹ uyono romobo. Ekevuovo, ihwo re ga vwe ẹkuoto ọfa rhiromre egbabose efa.

3 Vwoba eyono rẹ ejajẹ okpokpo, o ji fo ne ayen vwe oboden rẹ emu rẹ ewen

vwo ghẹrẹ oma rayen ọkieje. (1 Kọr. 2: 10) Kẹ mavọ ayen se vwo ru ọnana ọ da diane ayen vwo ẹruọ rẹ ephẹrẹ ra jẹ vwe ukoko kpokpo na-a? Diesoro emiowwon re dia Inenikristi vwo vwo imuero ne Ota rẹ Oghene te ubiudu rẹ emọ rayen?

IMUOSHỌ VWỌ KẸ OYERINKUGBE AVWANRE VE JIHOVA

4 E rhe vwo ẹruọ rẹ Ota rẹ Oghene vwe ejaje kpokpo na-a, ọnana sa dia imuoshọ ke oyerinkugbe avwanre ve Jihova. Vwe ẹgbukpe ujin riyorin a ke rhe mre ọke avwanre nana, Nehemaya niroso ne emọ rẹ ihwo rẹ Ju evo ri rhivwin ne Babilon rhe, rha sa je ejaje rẹ Hibu na-a. (Se Nehemaya 13:

4. Die yen sa dia imuoshọ ke oyerinkugbe avwanre ve Jihova? Djudje royen.

23, 24.) Obo ra vwo riẹn ayen kere idibo re Ọghẹnẹ koyen ghwrẹ vayabo na kidie ayen rha sa nabo vwo eruọ re Ota re Ọghẹnẹ-ẹ.—Neh. 8:2, 8.

5 Eşe vẹ ini evo re ga vwe ẹkuoto ọfa rhe mrevghe ne oruru re emọ rayen kpahen uyota na djiro re. Kidie ne ayen nabo vwo eruọ re obo re yono vwe uyono-o, emu re ewen na rhe te ubiudu raye-en. Pedro[1] vẹ orua royen kua ne South America kpo Australia, oshare na da tane, “A da ta ota kpahen eronwọn re ewen, ofori ne e phi ubiudu vẹ irophiyo.”—Luk 24:32.

6 E de se ota vwe ephere ọfa, o nabo te ewen avwanre kirobo ro dia vwe

5, 6. Die yen ese vẹ ini evo re ga vwe ẹkuoto ọfa rhe mrevghe, ke diesoro?

ephẹrẹ romobo-ọ. Vwọba, ọ da diane avwanre riẹn ejajẹ ọfa jẹ-ẹ, ọ sa nẹrhe ofu dje ohwo, o ji se djobote ẹga avwanre. Ọtiọyena, ra vwọ sẹro rẹ oruru ra vwọ ga Jihova vwe ẹkuoto ọfa na, o ji fo nẹ a sẹro rẹ oyerinkugbe avwanre ve Jihova.—Mat. 4:4.

AYEN SẸRO RẸ OYERINKUGBE RAYEN VE JIHOVA

7 Ọke re vwo mu Daniẹl ve igbeyan royen kpo eviẹn, ihwo rẹ Babilon ki yono ayen “ephẹrẹ rẹ ihwo ri Kaldia na,” rere ayen vwọ vwerokere ẹkuruemu rayen. Koyensoro olori ro yono ayen vwo mu ede rẹ Babilon vwọ ke ayen. (Dan. 1:3-7) Ode re mu ke Daniẹl churobo

7. Die yen ihwo rẹ Babilon na ruru rere Daniẹl sa vwọ vwerokere ẹkuruemu ve ẹga rayen?

si Bẹl, rọ dia ọghẹnẹ rode rẹ ihwo rẹ Babilon. Ọ sa diane Ọvie Nebukadreza vwe Daniẹl nẹ ọghẹnẹ rẹ Babilon rho vwe Ọghẹnẹ royen, Jihova.—Dan. 4:8.

8 Dede nẹ a vwe emu rẹ ovie vwo kẹ Daniẹl, o “de roro” vwe ubiudu royen nẹ oyen che “gbe oma roye ẹgua-a.” (Dan. 1:8) Ọ sẹro rẹ oyerinkugbe royen vẹ Jihova ọke rọ vwo hẹ ẹkuoto ọfa kidie o se “ẹbe” ọfuanfon na vwe ejaje re de vwe ọkieje. (Dan. 9:2) Koyensoro, omare ẹgbukpe 70 vwo wan nu a je rien vẹ ode rẹ Hibru royen.—Dan. 5:13.

9 Ohwo ro si Une Rẹ Ejiro 119, mre

8. Die yen vwe ukecha kẹ Daniẹl vwo sẹro rẹ oyerinkugbe royen vẹ Jihova vwe ẹkuoto ọfa?

9. Kirobo ra mre vwe Une Rẹ Ejiro 119, ukecha vọ yen Ota rẹ Ọghẹnẹ vwo kẹ ohwo ro si une na?

ęgba ne Ota re Ọghene rhe ro nerhe o sa kenoma ke iruemu re oke royen. O chirakon re ehweje re isun evo. (Une 119: 23, 61) Dedena, o vwe uphen ke eta re Ọghene ne e nabo te ubiudu royen.—Se Une Re Ejiro 119:11, 46.

SERO RE OYERINKUGBE WEN VE JHOVA

10 Dede ne iruo romobo ve ewian re ukoko na sa ghene reyo oke avwanre, ofori ne avwanre eje rhuere oke phiyo vwo ke uyono romobo ve ęga orua. (Efe. 5:15, 16) Odavwe avwanre die e di vwo se ębe na re yere muegbe re ękpahonphiyo vwe uyono-o. E je

10, 11. (a) E de yono Ota re Ọghene, die yen dia odavwe avwanre? (b) Mavo e se vwo ru odavwe nana? Djudje royen.

e vwo imuero ne Ota re Oghene nabo te avwanre ubiudu rere o bon esegbuyota avwanre gan.

11 E se vwo ru onana, ofori ne e roro kpahen odavwe re ihwo efa ve e re avwanre komobo siere e de rue uyono romobo. (Fil. 1:9, 10) Oke buebun na e de muegbe ke iruo aghwoghwo, uyono, yere ota, avwanre ghwa tenrovie obo ro djobote avwanre wa-an. Kere udje: Dede ne ohwo ro chere emu davwon tavwen o ke je ke ihwo, o ro davwenre na cha sa von evu-un. O da guono omakpokpo, ko fori ne o nabo muegbe re omamo emuore ke oma royen. Vwe idjerhe vuovo na, e je avwanre davwengba vwo ghere ubiudu avwanre ve emu re ewen ro fo odavwe re avwanre komobo.

12 Iniṣo buebun re ga vwe ẹkuoto ofa mre erere siere ayen de yono Baibol na komobo vwe 'ejaje re de vwe ayen.' (Iruo 2:8) Ihwo re tobo dia imishonare mre vughe ne ayen sa vwo sero re oyonregan rayen, obore ayen yono vwe ejaje orhorha na teri-i.

13 Alain, ro yono ephere re Persia omare ẹgbukpe ẹrenren re tare ne, "Mi de muegbe re uyono vwe Persia, me tenrovie ephere na. O vwo diane obo mi se vwo yono ejaje na yen me tenrovie na, o rhe je obo mi yono na nabo te ubiudu me-e. Koyensoro me vwo rhuere oke phiyo koke koke mi vwo yono Baibol

12, 13. Diesoro iniṣo buebun re ga vwe ẹkuoto efa vwo mre erere siere ayen de ru uyono rayen vwe ejaje romobo rayen?

na vẹ ẹbe ukoko na vwe ejaje romobo me.”

DJOBOTE UBIUDU RE EMO WEN

14 E je emiowwon re dia Inenikristi dawwengba rere Ota re Oghene se vwo te ubiudu ve ewen re emo rayen. Serge ve aye royen, Muriel vwo ga vwe ekuoto ofa egbukpe erha nu, ayen de noso ne omoshare rayen rohe egbukpe 17 rhe vwo omavwerhovwen kpahen iruo re ega na-a. Oni na da ta: “Oke ri jovwo, oma vwerhon o da vwe French, ro dia ejaje robo royen, vwo ghwoghwo ota, ekevuovo enena ivun miowwon ro vwo ghwoghwo ota vwe ejaje ofa.” Ose na de djefioto ne, “Avwanre vwo noso ne edia

14. Die yen ofori ne emiowwon dawwengba vwo ru, ke diesoro?

nana cha nerhe omọ avwanre je eyan obaro vwoṛe ewen, avwanre de brorhiẹn ra vwo kua rhivwin kpo ukoko re avwanre nurhe.”

15 Die yen se mu emiowwon vwo rhivwin kpo ukoko ro je ejaje re emo rayen nabọ vwo eruọ royen? Esosuo, ayen brorhiẹn se ayen ghini vwo oke ve ekuakua re vwo yono emo na eguono re Jihova, ji yono ejaje kpokpo na. Orive, ayen de noso ne emo na rhe vwo oruru kpahen eronvwon re ewe-en yere asan re ayen da ga na-a. Vwe edia tioyena, emiowwon na se vwo ewen ayen vwo rhivwin kpo ukoko ro je ejaje re emo na

15. (a) Die yen se mu emiowwon vwo rhivwin kpo ukoko ro je ejaje re emo rayen nabọ vwo eruọ royen? (b) Odjeke vo yen Urhi Rive 6:5-7 vwo ke emiowwon?

nabọ vwo ẹruọ royen rere ayen se vwo mudia gan vwe uyota na.—Se Urhi Rive 6:5-7.

16 Ẹkẹvuọvo, emiọvwọn evo je vwe idjerhe efa vwo yono emọ rayen vwe ejaje rayen dede ne ayen he ukoko yere ẹko ro je ejaje re ẹkuoto ofa. Charles, ro vwo emete erha rehe ẹgbukpe 9, 12, ve 13, kpo uyono ra da je ejaje re Lingala. O da ta: “Avwanre brorhiẹn ra vwo vwe ejaje avwanre vwo yono emọ na, ji vwo ru ẹga orua. Avwanre ji ru udje yere heha evo vwe ejaje re Lingala rere emọ na se vwo yono vwe oke yena.”

17 Kevin ro vwo emete ive rehe ẹgbukpe iyorin ve ẹrenren, vwo

16, 17. Ena vo yen emiọvwọn evo vwo yono emọ rayen dede ne ayen he ẹkuoto ofa?

orhuerephiyoto ofa kidie ayen vwo eruore uyono re ruere vwe ejaje ofa na-a. O da ta: “Me ve aye me vwe French ro dia ejaje avwanre vwo yono emore avwanre. Avwanre ji vwo orhuerephiyoto re vwo kpo uyono re French obovo emeranvwe. Avwanre je reyore oke omaerovwo vwo kpo eghwerekoko re French.”

18 Dedena, orua ovuovo yen che brorhiere re obo ri che yovwin ke emore rayen.[2] (Gal. 6:5) Muriel, re djunute nanayen tare ne ore vwe oshare royen gbobonye ojevwe rayen fikire edia re ewen re omore rayen. (Se Rom 15:1, 2.) Serge rhe mrevghe ne ayen brorhiere ro

18. (a) Odjere vore vwe Rom 15:1, 2 yen sa chon we uko vwo rien obo ri che shephiyore vwo ke emore wen? (b) Iroreje vore yen emiovwon efa vwophia? (Ni eta re odjefioto.)

gbare. Ọ da ta: “Vwo ne ọke avwanre vwo rhivwin kpo ukoko re French na, omoshare avwanre da rhe yanphiaro vwo re ewen, o de rhi bromaphiyame. Asaokiephana, o ga kere okobaro okieje. Ọ je tobo vwo ewen ro vwo rhoma ga vwe eko ra da je ejaje re ekuoto ofa!”

JE OTA RE OGHENE TE UBIUDU WEN

19 Fikire eguono royen, Jihova de ruo rere Ota royen, Baibol na vwo dia vwe ejaje ujin buegun rere ‘ihwo ejobi vwo vwo erianren ogbagba re uyota na.’ (1 Tim. 2:4) Ọ riene ne ihworakpo sa vwerote edia re ewen rayen siere ayen de se eta royen vwe ejaje ro te ubiudu rayen.

19, 20. Mavo yen avwanre se vwo djephia ne e vwo eguono re Ota re Oghene?

20 Otoro ẹdia avwanre hepha-a, e je avwanre brorhiẹn a vwo ghẹre ubiudu avwanre ve uvi re emu re ewen. E de yono Baibol na okieje vwe ejaje avwanre, avwanre cha sero re omakpokpo re ewen re avwanre ve o re orua avwanre, o ji che djephia ne avwanre phi ota re Oghene phiyo udu avwanre.—Une 119:11.

ETA RE ODJEFIOTO:

[1] (ẹkorota 5) E wene ede evo.

[2] (ẹkorota 18) Wo da guṅṅo odjeke efa vwe Baibol na re sa chon orua wen uko, se uyovwinrota na “Raising Children in a Foreign Land—The Challenges and the Rewards” rohe *Uwevwin Orherẹ* re October 15, 2002, o re oyibo.

Kpo www.jw.org/urh, yere
skani ikodu nana ➞

